

STATUT

**STUDENTSKOG PARLAMENTA
INTERNACIONALNOG UNIVERZITETA TRAVNIK**

Travnik, januar 2017. godine

Na osnovu člana. 12. i 14. Zakona o udruženjima i fondacijama FBiH (**“Službene novine Federacije BiH”**, broj 45/02 od 20.09.2002.), Skupština „Studentskog Parlamenta Internacionalnog univerziteta Travnik”, u Travniku na sjednici održanoj 23.01.2017. godine, donosi

S T A T U T

„STUDENTSKOG PARLAMENTA INTERNACIONALNOG UNIVERZITETA U TRAVNIKU“

I OSNOVNE ODREDBE

Član 1.

Ovaj Statut sadrži odredbe o:

- nazivu i sjedištu udruženja
- ciljevima i djelatnostima udruženja
- zastupanju i predstavljanju udruženja
- organima udruženja, njihovim ovlaštenjima, načinu imenovanja i opoziva, trajanju mandata, kvorumu i pravilima glasanja uključujući i pitanja o kojima se odlučuje kvalifikovanom većinom, funkciju lica ovlaštenog da saziva skupštinu
- obliku i sadržaju pečata udruženja
- sticanju i raspolaganju imovinom
- načinu donošenja finansijskog izvještaja i izvještaja o radu
- postupku za donošenje Statuta, izmjena i dopuna statuta i drugih općih akata udruženja
- uslove i način učlanjenja, prestanak članstva, prava, dužnosti i odgovornosti članova udruženja
- postupak za pripajanje, razdvajanje, transformaciju ili prestanak rada udruženja
- pravila za raspodjelu imovine u slučaju prestanka rada udruženja.

Član 2.

”Studentski parlament Internacionalnog univerziteta Travnik” (u daljnjem tekstu: SPIUT) je nevladina, dobrovoljna, vanstranačka, neprofitna studentska organizacija sa područja Srednjobosanskog Kantona, ulica Bunar bb, čiji članovi su studenti (redovni i vanredni) sa

osnovnim ciljem i zadatkom zaštite i promicanja prava i interesa studenata Internacionalnog univerziteta Travnik. SPIUT je demokratski organizovano udruženje koje djeluje kao izborna predstavničko tijelo koje zastupa interese studenata, sudjeluje u radu i odlučivanju u tijelima Internacionalnog univerziteta Travnik (u daljem tekstu Univerzitet), koordinira rad i utvrđivanje zajedničke politike studentskih vijeća organizacionih jedinica Univerziteta, te obavlja druge poslove utvrđene zakonima. Udruženje ima svojstvo pravnog lica koje stiče upisom u registar kod nadležnog ministarstva pravosuđa i uprave SBK.

II NAZIV I SJEDIŠTE

Član 3.

- (1) Naziv udruženja je "Studentski parlament Internacionalnog univerziteta Travnik".
- (2) Skraćeni naziv udruženja je „SPIUT“.
- (3) Ovlašteno lice koje će obaviti poslove upisa u registar udruženja je predsjednik, odnosno potpredsjednik Studentskog parlamenta IUT.

Član 4.

Sjedište „Studentskog parlamenta Internacionalnog univerziteta Travnik” Bunar bb, Travnik (zgrada univerziteta "Internacionalnog univerziteta Travnik")

III ZNAK I PEČAT

Član 5.

- (1) SPIUT ima svoj pečat.
- (2) Pečat studentskog parlamenta je plave boje; okrugli pečat promjera 30 mm, u čijem se središtu nalazi naziv "SPIUT", a oko kojeg je ispisan tekst: "Studentski parlament Internacionalnog univerziteta Travnik".

IV CILJEVI I DJELATNOST

Član 6.

Ciljevi i zadaci SPIUT-a su:

1. zaštita i zastupanje obrazovnih, društvenih, kulturnih i drugih prava i interesa studenata;

2. zaštita standarda i socijalnog statusa studenata;
3. utjecanje na kvalitetu studija te na puno poštivanje studentskih prava i sloboda;
4. promicanje prava kao struke i nauke;
5. doprinos razvoju modernog univerziteta;
6. doprinos ostvarivanju slobodnog, demokratskog, pluralnog, tolerantnog, socijalno pravednog i nenasilnog društva;
7. povezivanje i saradnja sa drugim studentskim, omladinskim i sličnim organizacijama na Univerzitetu i šire, kako u Bosni i Hercegovini tako i u inostranstvu.

Član 7.

U svrhu ostvarivanja svojih ciljeva SPIUT obavlja slijedeće djelatnosti:

1. podržavanje studenata u ostvarivanju njihovih prava i to u obliku komunikacije između studenata i upravnih tijela Univerziteta, fakultetskih organa;
2. organizovanje tribina, skupova, seminara i sl.;
3. organizovanje stručnih izleta i putovanja vezanih uz struku;
4. organizovanje rada u fakultetskim čitaonicama;
5. saradnja sa Upravom Internacionalnog univerziteta Travnik u Travniku;
6. izdavanje publikacija poput periodičnih časopisa ili biltena za potrebe studenata i populariziranje struke, a u skladu s posebnim zakonskim propisima;
7. održavanje web-stranice SPIUT-a na adresi www.iu-travnik.com;
8. organiziranje prigodnih kulturno – umjetničkih, sportskih i drugih programa;
9. ostale djelatnosti potrebne za ostvarivanje ciljeva SPIUT-a.

V ČLANSTVO

Član 8.

- 1) Članovi Studentskog parlamenta su svi studenti Univerziteta, bez obzira na status.
- 2) Studenti postaju članovi Studentskog parlamenta upisom na IUT.
- 3) Članovima Studentskog parlamenta garantovana je sloboda mišljenja i izražavanja u okviru Studentskog parlamenta.
- 4) U okviru Studentskog parlamenta nije dozvoljeno političko, vjersko i stranačko organizovanje i djelovanje u okviru rada, sjednica, projekata i sl.

Član 9.

Članovi udruženja mogu biti:

1. redovni
2. počasni

Član 10.

Redovni članovi su svi studenti Internacionalnog univerziteta Travnik u Travniku.

Član 11.

- 1) Počasni članovi Studentskog parlamenta mogu postati studenti iz zemlje i inostranstva koji svojim radom, djelatnošću i materijalno - tehničkom pomoći doprinose ostvarenju programskih ciljeva i zadataka Studentskog parlamenta.
- 2) Počasne članove Studentskog parlamenta bira Predsjedništvo, o čemu obavještava Skupštinu Studentskog parlamenta.
- 3) Počasni članovi nemaju pravo odlučivanja, niti pravo da budu birani u organe i tijela Studentskog parlamenta.

Član 12.

Prava i obaveze članova SPIUT-a su:

1. sudjelovanje u radu SPIUT-a;
2. u slučaju redovnih članova, birati i biti biran na funkcije u tijelima SPIUT-a;
3. u slučaju redovnih članova, učestvovanje u radu Skupštine SPIUT-a;
4. traženje pomoći u ostvarivanju svojih prava iz područja djelovanja SPIUT-a;
5. svojim djelovanjem štititi interese, ugled, čast i imovinu SPIUT-a;
6. u slučaju redovnih i vanrednih članova, pokretanje pitanja odgovornosti organa SPIUT-a;
7. za sve akte i aktivnosti za djelovanje van Univerziteta koje studenti donesu tražiti saglasnost od Univerziteta.
8. ostvarivanja uvida u rad organa SPIUT-a.

Član 13.

(1) Članstvo u SPIUT-u prestaje:

1. Prestankom statusa studenta Internacionalnog univerziteta u Travniku u slučaju redovnih članova SPIUT-a;

2. dobrovoljnim istupanjem iz SPIUT-a na pismeni zahtjev upućen Upravnom odboru;
3. isključenjem iz SPIUT-a, po odluci Skupštine, a na prijedlog Upravnog odbora, i to ako je član namjerno ili iz krajnje nepažnje radio protivno načelima i ciljevima definiranim ovim Statutom;
4. smrću ili gubitkom poslovne sposobnosti člana.

(2) Član koji istupi ili bude isključen iz udruženja, po odluci Skupštine, dužan je izmiriti obaveze prema Udruženju.

(3) O eventualno, novom zahtjevu, upućenom Predsjedavajućem Skupštine, za prijem člana koji je istupio ili je bio isključen iz SPIUT-a, odlučuje Skupština.

VI ORGANI SPIUT-a

Član 14.

- 1) Organi Studentskog parlamenta su: Skupština, Upravni odbor, Predsjednik Studentskog parlamenta (u daljem tekstu: Predsjednik), zamjenik predsjednika i generalni sekretar.
- 2) Skupština i Predsjedništvo mogu radi obavljanja poslova iz svoje nadležnosti osnovati stalna i privremena stručna tijela (komisije).
- 3) Lica u organima i tijelima Studentskog parlamenta mogu biti studenti koji ispunjavaju uslove iz člana 10. ovog Statuta.

Član 16.

(Upravni odbor)

- 1) Upravni odbor Studentskog parlamenta je upravni organ Studentskog parlamenta.
- 2) Upravni odbor je samostalan u svom radu i oslanja se na važeće zakone, a svoje djelovanje detaljnije uređuje poslovnikom o radu.
- 3) Upravni odbor čini pet članova iz reda članova Skupštine.
 - 1) Članovi Upravnog odbora biraju se većinom glasova ukupnog broja članova Skupštine. Ako ni jedan kandidat nije dobio takvu većinu, u drugom krugu izbora, u koji ulaze dva kandidata s najviše glasova po svakoj kategoriji članova Predsjedništva, smatra se izabranim kandidat koji je dobio većinu glasova prisutnih.
 - 2) Momentom izbora članova u organ Nadzornog odbora suspenduje se pravo člana u Skupštini.

Član 17.

Upravni odbor Studentskog parlamenta:

- 1) nadgleda rad Studentskog parlamenta;
- 2) nadgleda rad studentskih asocijacija organizacionih jedinica u sastavu Studentskog parlamenta;
- 3) može da pregleda i provjerava poslovne knjige, dokumente i druge akte Studentskog parlamenta;
- 4) pregleda i razmatra dvomjesečne izvještaje predsjednika i članova Predsjedništva;
- 5) na sjednicama Skupštine izvještava o svom radu i zaključcima;
- 6) daje mišljenja u slučajevima određenim osvim Statutom i drugim općim aktima u roku od četrnaest dana po prijemu dopisa;
- 7) nadgleda regularnost izbora studentskih predstavnika;
- 8) predlaže razrješavanje funkcije lica u organima i tijelima Studentskog parlamenta.

Član 18.

- 1) Upravni odbor donosi odluke na sjednicama koje saziva predsjedavajući Upravnog odbora;
- 2) Predsjedavajućeg Upravnog odbora biraju članovi Upravnog odbora na prvoj sjednici Upravnog odbora;
- 3) Upravni odbor može odlučivati ako je na sjednici prisutno najmanje četiri člana, a odluke donosi većinom ukupnog broja glasova. Ukoliko u slučaju glasanja bude isti broj glasova, onda je glas predsjedavajućeg odlučujući.
- 4) U slučaju hitnosti član Upravnog odbora može tražiti da članovi Upravnog odbora o pojedinom pitanju glasaju putem elektronske pošte.
- 5) Skupština može poslovníkom detaljnije urediti rad Upravnog odbora.

Član 20.

(Skupština)

(1) Skupština je najviši organ Studentskog parlamenta. Skupštinu čine od jednog do tri predstavnika svake organizacione jedinice u sastavu Univerziteta, izabrani na tajnim, neposrednim izborima, između kandidata predloženih na izbornim listama organizacionih jedinica.

(2) Skupština vrši sljedeće zadatke:

1. donosi i tumači Statut, izmjene i dopune Statuta, daje suglasnost na pravne radnje poduzete u postupku osnivanja udruženja;
2. donosi Poslovnik o radu Skupštine;
3. bira i opoziva izvršne organe SPIUT-a i Predsjedavajućeg Skupštine, pri čemu ne mogu biti izabrani student kojima je izrečena disciplinska sankcija ili javna opomena

- od strane Internacionalnog univerziteta Travnik;
4. usvaja najmanje jednom godišnje finansijski izvještaj i izvještaj o radu koje je pripremio Predsjednik, Potpredsjednici i Upravni odbor ;
 5. odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama SPIUT-a;
 6. odlučuje o žalbama članova protiv odluka izvršnih organa SPIUT-a;
 7. odlučuje o svim pitanjima koja nisu u nadležnosti drugog organa.

Član 21.

- (1) Skupština se sastaje u redovnim i vanrednim zasijedanjima.
- (2) Skupština može raditi i donositi odluke ukoliko prisustvuje najmanje dvije trećine članova Skupštine, a Odluke donosi većinom prisutnih članova.
- (3) O radu Skupštine vodi se zapisnik koji se trajno čuva u arhivi SPIUT-a.

Član 22.

- (1) Redovna zasijedanja Skupštine se održavaju dva puta godišnje, u pravilu u prvom mjesecu svake akademske godine i nakon šest mjeseci, i ona su izvještajnog i izbornog karaktera.
- (2) Redovno zasijedanje Skupštine saziva Predsjednik Skupštine.
- (3) Vanredna zasijedanja se zakazuju po potrebi.
- (4) U odluci o sazivanju Skupštine Upravni odbor zajedno sa Predsjednikom Skupštine utvrđuje dnevni red sjednice i dan kada će se sjednica održati, te je dužan na sjednicu pozvati sve redovne članove SPIUT-a.
- (5) Predloženi dnevni red se mora objaviti putem web-stranice SPIUT-a ili na drugi način, dostupan studentima, najmanje 7 dana prije održavanja Skupštine.
- (6) Od dana sazivanja do dana održavanja Skupštine mora proći najmanje 7 (sedam) dana.

Član 23.

- (1) Vanredno zasjedanje Skupštine saziva Predsjedavajući Skupštine, a na zahtjev:
 1. Predsjednika Skupštine i Potpredsjednika Skupštine uz zajedničku inicijativu;
 2. Natpolovične većine članova Skupštine i Upravnog odbora;
 3. Predsjedništva Studentskog parlamenta.

- (2) Predsjedavajući Skupštine je dužan sazvati Skupštinu najkasnije 10 (deset) dana od dana pismenog zahtjeva ovlaštenog predlagača.
- (3) Predlagač je dužan predložiti dnevni red i dostaviti radni materijal i učiniti ga dostupnim studentima putem web-stranice SPIUT-a ili na drugi adekvatan način.

Član 24.

- (1) Na početku svakog redovnog zasjedanja sjednice bira se Zapisničar.
- (2) Bilo koji član Skupštine može kandidovati sebe lično ili nekog drugog člana Skupštine, za Predsjedavajućeg ili Zapisničara Skupštine.
- (3) Izbor Predsjedavajućeg Skupštine se vrši natpolovičnom većinom.
- (4) Zapisničar se bira prostom većinom glasova.
- (5) Predsjedavajući Skupštine se stara o izvršavanju odredbi Poslovnika o radu Skupštine, potpisuje odluke koje donosi Skupština, te obavlja druge nadležnosti koje se utvrde u toku rada.
- (6) Mandat Predsjedavajućeg Skupštine iznosi godinu dana, uz mogućnost reizbora na dodatnu godinu dana. Nakon reizbora se više ne može kandidovati za tu funkciju.

Član 25.

- (1) Ako na Skupštini ne bude ispunjen kvorum od minimalno dvije trećine članova Skupštine, Predsjedavajući Skupštine je dužan u roku od 7 dana sazvati novu sjednicu s istim dnevnim redom, a takav saziv Skupštine valjano odlučuje ukoliko je prisutno najmanje polovina članova Skupštine.
- (3) Počasni članovi mogu sudjelovati u radu Skupštine samo putem rasprava, prijedloga i sugestija, ali nemaju pravo neposrednog odlučivanja putem glasovanja.

Član 26.

Predsjedništvo Studentskog parlamenta

- 1) Predsjedništvo Studentskog parlamenta je izvršni organ Studentskog parlamenta.
- 2) Predsjedništvo čine predsjednik, zamjenik predsjednika, generalni sekretar i predsjednici stručnih tijela (ukoliko su imenovani).
- 3) Radom Predsjedništva rukovodi predsjednik Studentskog parlamenta.
- 4) Članovi Predsjedništva biraju se većinom glasova članova Skupštine Studentskog parlamenta. Ako nijedan kandidat nije dobio takvu većinu, u drugom krugu izbora, u

koji ulaze dva kandidata s najviše glasova po svakoj kategoriji članova Predsjedništva, smatra se izabranim kandidat koji je dobio većinu glasova prisutnih.

(5) Predsjedništvo Studentskog parlamenta:

- 1) predlaže Skupštini donošenje općih akata;
- 2) izvršava odluke Skupštine;
- 3) imenuje predstavnike studenata u tijela koja su u sastavu visokog obrazovanja, ako ovim Statutom nije određeno drugačije;
- 4) inicira formiranje stručnih tijela za obavljanje poslova iz nadležnosti Studentskog parlamenta;
- 5) podnosi izvještaj o svome radu Skupštini;
- 6) inicira vanredno zasjedanje Skupštine;
- 7) izrađuje finansijski plan Studentskog parlamenta;
- 8) vodi poslovanje Studentskog parlamenta;
- 9) donosi i sprovodi odluke i akte koji prema ovom Statutu nisu u nadležnosti drugih tijela Studentskog parlamenta.

Član 27.

Predsjednik Studentskog parlamenta

- 1) Predsjednika Studentskog parlamenta biraju članovi Skupštine na mandat od četiri godine.
- 2) Predsjednik se bira većinom glasova članova Skupštine Studentskog parlamenta. Ako nijedan kandidat nije dobio takvu većinu, u drugom krugu izbora, u koji ulaze dva kandidata s najvećim brojem glasova, smatra se izabranim kandidat koji je dobio većinu glasova prisutnih.
- 3) Predsjednik ne može biti lice osuđivano za krivično djelo, privredni prestup ili prekršaj.
- 4) Predsjednik ima sljedeće funkcije:
 - I) predstavlja i zastupa Studentski parlament;
 - II) predsjedava Predsjedništvom, te predlaže dnevni red;
 - III) predlaže zamjenika predsjednika Studentskog parlamenta;
 - IV) može da razriješi zamjenika predsjednika Studentskog parlamenta;
 - V) predlaže generalnog sekretara Studentskog parlamenta;
 - VI) može podnijeti inicijativu za smjenu generalnog sekretara i članove predsjedništva;
 - VII) predlaže u ime Predsjedništva program rada i razvoja Studentskog parlamenta;

- VIII) između sjednica Predsjedništva vodi poslovanje Studentskog parlamenta;
- IX) podnosi obavezan izvještaj o radu Skupštini na svakih šest mjeseci;
- X) čuva pečat i ima ovlaštenje da ga koristi;
- XI) potpisuje opće akte i finansijsku dokumentaciju Studentskog parlamenta;
- XII) obavlja i druge poslove utvrđene Zakonima i ovim Statutom.

Član 32.

Potpredsjednik Studentskog parlamenta

(1) Potpredsjednik SPIUT-a bira se na Skupštini, i to na prijedlog Predsjednika Skupštine.

(2) Potpredsjednik SPIUT-a:

1. mijenja Predsjednika u vršenju njegovih dužnosti u slučaju njegove spriječenosti ili opravdanog odsustva;
2. koordinira aktivnosti Studentskog parlamenta;
3. vodi arhivu SPIUT-a;
4. obavlja tehničko - administrativne zadatke, vezane za aktivnosti SPIUT-a, koje mu povjeri Predsjednik;
5. obavlja druge poslove i zadatke u cilju realizacije programskih ciljeva.

Član 33.

(1) Kandidati za Predsjednika su dužni nakon sazivanja Skupštine izbornog karaktera Predsjedavajućem Skupštine dostaviti pismenu kandidaturu, najkasnije 72 sata prije održavanja Skupštine.

(2) Mandat Predsjednika i Potpredsjednika prestaje: istekom, smjenom i ostavkom.

(3) Ukoliko Predsjednik, odnosno Potpredsjednik, podnese ostavku, Predsjednik Skupštine je dužan u roku 15 dana sazvati Skupštinu radi izbora novog Predsjednika, odnosno Potpredsjednika SPIUT-a.

Član 34.

Odgovornost

(1) Svaki redovni član SPIUT-a može pokrenuti pitanje odgovornosti Predsjednika, Potpredsjednika ili člana Upravnog odbora, ukoliko opravdano smatra da on svojim radom ugrožava interese i ciljeve SPIUT-a i to pismeno se obraćajući Predsjedavajućem Skupštine.

(2) U slučaju zahtjeva iz st.1. ovog člana, Predsjedavajući Skupštine će u roku od 7 dana od podnošenja zahtjeva oformiti tročlanu Komisiju u sastavu: podnosilac zahtjeva, Predsjedavajući Skupštine i jedan član Upravnog odbora, pri čemu to ne može biti član protiv

kojeg je usmjerava zahtjev. Sistem imenovanja člana Upravnog odbora za ovu komisiju će se urediti Pravilnikom o radu Upravnog odbora.

(3) Komisija iz st. 2. ovog člana provodi postupak utvrđivanja odgovornosti i ukoliko utvrdi da postoji opravdan osnov, predlaže sazivanje vanrednog zasjedanja Skupštine, ali najkasnije 30 dana od dana podnošenja zahtjeva za preispitivanje odgovornosti. Skupština dvotrećinskom većinom odlučuje o smjeni Predsjednika, Potpredsjednika, odnosno člana Upravnog odbora.

Član 17.

(Studentske asocijacije)

- (1) Studenti imaju pravo organizovati svoje studentske asocijacije na organizacionim jedinicama na sva 3 (tri) ciklusa studija, u kojima članstvo mogu ostvariti svi studenti koji imaju status studenata Univerziteta.
- (2) Studentske asocijacije se bave ostvarivanjem i zaštitom prava i interesa studenata u nastavnom, naučno – istraživačkom, stručnom, kulturnom, sportskom i drugom radu, kao i unapređenjem životnog standarda i društvenog života studenata.
- (3) Bliže odredbe o sastavu, broju i nadležnostima organa asocijacija studenata po organizacionim jedinicama bit će sadržane u općem aktu studentske asocijacije.

Član 19.

(Studentski pravobranilac)

- (1) Studentski pravobranilac je tijelo Univerziteta kojeg bira Skupština Studentskog parlamenta.
- (2) Za studentskog pravobranioca može biti imenovan student koji ispunjava uvjete za redovnog člana Studentskog parlamenta propisane ovim Statutom.
- (3) Studentski pravobranilac:
 - a. Prima pritužbe studenata koje se odnose na njihova prava te raspravlja o tome s nadležnim tijelima visokoškolske ustanove;
 - b. Savjetuje studente o načinu ostvarivanja njihovih prava;
 - c. Može učestvovati u disciplinskim postupcima protiv studenata radi zaštite njihovih prava;
 - d. Obavlja i ostale poslove utvrđene općim aktom visokoškolske ustanove.

Član 18.

(Finansiranje i uslovi rada Studentskog parlamenta i Studentskog pravobranioca)

- (1) Univerzitet, u sklopu svog godišnjeg finansijskog plana, obezbjeđuje adekvatne uslove za rad Studentskog parlamenta i Studentskog pravobranioca uz obavezu iznalaženja odgovarajućeg prostora i potrebne opreme za njeno funkcionisanje.

- (2) Pored izvora finansiranja od strane Univerziteta, a radi ostvarivanja njihovih statutarnih ciljeva i nadležnosti, Studentski parlament može obavljati odgovarajuće djelatnosti radi sticanja prihoda, u skladu sa zakonom, ovim Statutom i svojim općim aktima.

VII JAVNOST RADA STUDENTSKOG PARLAMENTA

Član 35.

1. Rad SPIUT-a, njegovih organa i radnih tijela je javan.
2. Javnost rada se obezbjeđuje redovnim obavještavanjem o aktivnostima SPIUT-a putem web-stranice SPIUT-a ili na drugi način dostupan studentima.
3. Izuzetno, poslovna tajna neće se saopćavati javnosti. Poslovnu tajnu sačinjavaju isprave i podaci čije bi saopćenje neovlaštenim licima bilo protivno poslovanju i štetilo bi ugledu i interesu SPIUT-a. Organi SPIUT-a su dužni držati poslovnu tajnu.

VIII SREDSTVA ZA RAD

Član 36.

(1) Sredstva za rad SPIUT stiče:

1. članarinom;
2. dobrovoljni prilozima i poklonima fizičkih i pravnih lica;
3. sredstva dodjeljena iz budžeta „Inernacionalnog univerziteta Travnik“;
4. drugi prihodi stečeni, u skladu sa Zakonom i statutom.

(2) Cjelokupna finansijsko – materijalna sredstva SPIUT-a vode se u skladu sa zakonskim propisima.

(3) Upravni odbor vodi evidenciju o pokretnoj i nepokretnoj imovini SPIUT-a i vrijednosti imovine unosi u godišnji finansijski izvještaj.

Član 37.

Udruženje ima svoj žiro račun.

Član 38.

- (1) Nalog za isplatu daje Predsjednik SPIUT-a, a supotpisuje ga uvijek i Potpredsjednik.
- (2) Obim, namjena i raspodjela finansijskih sredstava utvrđuje se finansijskim planom za svaku godinu.
- (3) Obim, namjenu i raspodjelu sredstava neutvrđenih finansijskim planom odobrava Upravni odbor natpolovičnom većinom svih članova.
- (4) Predsjednik u ime Upravnog odbora podnosi finansijski izvještaj Skupštini.
- (5) Po zakazivanju Skupštine na kojoj se razmatra i finansijski izvještaj, Predsjedavajući Skupštine će prekontrolisati finansijski izvještaj i njegovu potkrijepljenost odgovarajućim računima, a po potrebi može angažovati i nezavisnog finansijskog revizora. O eventualnim nepravilnostima izvještaja će upoznati članove Skupštine prije usvajanja izvještaja.

IX PRESTANAK RADA STUDENTSKOG PARLAMENTA

Član 39.

SPIUT prestaje postojati:

1. odlukom Skupštine,
2. promjenom pravnog subjektiviteta Internacionalnog univerziteta Travnik i
3. ako rad SPIUT-a zabrani nadležni organ.

Član 40.

- (1) U slučaju prestanka rada imovina SPIUT-a se nakon podmirenja obaveza, predaje „Internacionalnom univerzitetu Travnik”, da osnuje udruženja sa istim ili sličnim programskim ciljevima.
- (2) Ako se osnuje novo udruženje sa istim ili sličnim programskim ciljevima, imovina se predaje novom udruženju.

Član 41.

Kada SPIUT prestane sa radom, Predsjednik SPIUT-a će podnijeti zahtjev nadležnom organu za brisanje SPIUT-a iz registra.

X PROMJENE I DOPUNE STATUTA

Član 42.

- (1) Nacrt Statuta i izmjene i dopune Statuta priprema i utvrđuje Upravni odbor samoinicijativno ili na zahtjev najmanje 10 redovnih članova SPIUT-a i upućuje, putem web-stranice SPIUT-a ili na drugi odgovarajući način, na javnu raspravu članovima Studentskog parlamenta.
- (2) Javna rasprava traje najmanje 20 dana.
- (3) Upravni odbor zajedno sa Presjedavajućim Skupštine razmatra primjedbe i prijedloge koji su dati u raspravi, zauzima stavove o njima, utvrđuje prijedlog Statuta, izmjene i dopune Statuta i usvaja prijedlog, a uz saglasnost IUT-a.
- (4) Statut, izmjene i dopune, konačno, usvaja dvotrećinska većina redovnih članova SPIUT-a koji su prisutni i glasaju.

XI PRELAZNE I ZAVRŠNE ODREDBE

Član 43.

Organi SPIUT-a su dužni da u roku od šest (6) mjeseci od dana stupanja na snagu ovog Statuta donesu sva druga opća akta SPIUT-a, kao i da pokrenu aktivnosti vezane za uspostavljanje preglednog i transparentnog sistema finansijskog poslovanja. Ostali opći akti SPIUT-a donose se na način i po postupku propisanom za njihovo donošenje, a uz saglasnost IUT-a.

Član 44.

Ovaj Statut stupa na snagu danom donošenja, te njegovim stupanjem na snagu prestaje važiti Statut Unije studenata Internacionalnog Univerziteta Travnik od 18.02.2014.

Broj: 01/15-I
Travnik, 23.01.2017.



PREDSJEDNIK
SKUPŠTINE:

Sejla

